



Broj: 01-26-7-817-3-I/10  
Sarajevo, 18.01.2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta "Nova Ljubljanska banka" d.d. Ljubljana, Trg republike 2, SI-1520 Ljubljana, Republika Slovenija, primljenog od strane Konkurencijskog vijeća dana 18.11.2010. godine, pod brojem: 01-26-7-817-I/10, Konkurencijsko vijeće, na 7. (sedmoj) sjednici održanoj dana 18.01.2011. godine, je donijelo

### **MIŠLJENJE**

Privredni subjekt "Nova Ljubljanska banka" d.d. Ljubljana, Trg republike 2, SI-1520 Ljubljana, Republika Slovenija (u daljem tekstu: Podnosilac zahtjeva), podnio je Konkurencijskom vijeću Zahtjev za davanje stručnog mišljenja, primljen dana 18.11.2010. godine, pod brojem: 01-26-7-817-I/10.

Podnosilac zahtjeva traži mišljenje od Konkurencijskog vijeća o obavezi podnošenja prijave namjere koncentracije u slučaju namjere Podnosioca zahtjeva da sa svojim zavisnim privrednim subjektom "NLB Leasing" d.o.o. Ljubljana, u kojem ima 100% vlasničkog udjela, zaključi ugovor o kupovini 100% udjela privrednog subjekta "NLB Leasing" d.o.o. Ljubljana, u privrednom subjektu "NLB Leasing" d.o.o. Sarajevo, sa naznakom da su sva tri navedena privredna subjekta članice bankarske grupe "Nova Ljubljanska banka" d.d.

Članom 12. Zakona o konkurenciji propisano je šta se smatra koncentracijom, a članom 2. stav (2) istog Zakona šta se smatra privrednim subjektom pod kontrolom drugog privrednog subjekta.

Da bi postojala koncentracija, uslov je da se provodi između nezavisnih privrednih subjekata, odnosno da se stiče kontrola ili prevladavajući uticaj jednog nezavisnog privrednog subjekta na drugim nezavisnim privrednim subjektom, što nije slučaj u konkretnom predmetu.

U skladu sa izloženim, Konkurencijskog vijeće smatra da se u predmetnom slučaju ne radi o koncentraciji, pa samim tim ne postoji ni obaveza podnošenja prijave namjere koncentracije.

Ovo mišljenje je dato isključivo na osnovu podataka navedenih u zahtjevu. Ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

dr. Stjepo Pranjić